

OKVIRNI SPORAZUM O KOLEKTIVNOM OSIGURANJU UPOSLENIKA

Zaključen dana 30.12.2020. 20. godine u Sarajevu, između:

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1, 71 000 Sarajevo

ID broj: 4200667410006

zastupana po načelniku Fikretu Jašareviću, (*u daljem tekstu Osiguranik*)

i

„ASA OSIGURANJE“ d.d. Sarajevo

ulica Trg međunarodnog prijateljstva br. 25, 71 000 Sarajevo

ID broj: 4201261240009

koga zastupa direktor Adnan Hodžić (u daljem tekstu: Osiguravač)

Član 1.

(Predmet Okvirnog sporazuma)

Predmet ovog Okvirnog sporazuma je pružanje usluga:

- *kolektivnog osiguranja uposlenika - osiguranika Kantona Sarajevo od posljedica nesretnog slučaja (nezgode) za vrijeme rada i u slobodno radno vrijeme, tokom 24 sata bez vremenskog i prostornog ograničenja;*
 - *kolektivno osiguranje uposlenika se vrši prema uslovima ponude OSIGURAVAČA broj: I-13737/20 od 27.11.2020. godine, zaprimljene pod brojem: 17-11-48034 od 30.11.2020. godine.*
- Ponuda za osiguranje uposlenika zaprimljena pod brojem: 17-11-48034 od 30.11.2020. godine, je sastavni dio ovog Okvirnog sporazuma.

Član 2.

(Kolektivno osiguranje zaposlenika)

Osiguranje po ovom Okvirnom sporazumu pokriva posljedice nesretnog slučaja-nezgode za:
smrt uslijed bolesti, smrt uslijed nezgode i invaliditeta, nastalih nad svim uposlenicima OSIGURANIKA pojedinačno.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi za vrijeme rada i u slobodno radno vrijeme, tokom 24 sata bez vremenskog i prostornog ograničenja, tj. OSIGURAVAČ se obavezuje da će OSIGURANIKU isplatiti naknadu štete ako štetni događaj ima za posljedicu:

- | | |
|---|-----------------------|
| ◆ <i>Smrt uslijed bolesti</i> | <i>5.000,00 KM,</i> |
| ◆ <i>Smrt uslijed nezgode/nesretnog slučaja</i> | <i>85.000,00 KM,</i> |
| ◆ <i>Invaliditet</i> | <i>178.000,00 KM.</i> |

Član 3.

(Obaveza isplate osiguranih suma)

OSIGURAVAČ se obavezuje da će OSIGURANIKU kao korisniku osiguranja za ugovoreno kolektivno osiguranje, u skladu sa odredbama ovog Okvirnog sporazuma i odredbama Općih i Dopunskih uvjeta za osiguranje lica od posljedica nesretnog slučaja/nezgode, isplatiti:

- **Osigurane sume za slučaj smrti uslijed bolesti;**
- **Osigurane sume za slučaj smrti, ukoliko je uslijed nezgode/nesretnog slučaja nastupila smrt korisnika i**
- **Osigurane sume za slučaj invaliditeta.**

Opći i Dopunski uvjeti za osiguranje lica od posljedica nesretnog slučaja/nezgode, Izmjene i dopune Općih uvjeta za osiguranje od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, čine sastavni dio ovog Okvirnog sporazuma.

OSIGURAVAČ se obavezuje da će u skladu sa uslovima date i prihvaćene ponude isključiti primjenu tzv. „karence“.

Član 4.

(Izdavanje polica osiguranja)

Za kolektivno osiguranje uposlenika od posljedica nezgode/nesretnog slučaja kao ugovor u okviru ovog Okvirnog sporazuma, za svaku godinu posebno izdat će se polica osiguranja, posebno za svaki organ koji je sastavni dio Kantona Sarajevo (u daljem tekstu „organ/i“). U policama osiguranja se navodi broj osiguranih osoba i iste će činiti sastavni dio ovog Okvirnog sporazuma.

Spisak sa brojem i imena uposlenika za organe, pripremit će OSIGURANIK i isti dostaviti OSIGURAVAČU.

Potpisivanjem ovih polica osiguranja od strane ugovornih strana, smatrat će se da su potpisani ugovori o osiguranju uposlenika u okviru ovog Okvirnog sporazuma.

Član 5.

(Obaveze Osiguranika)

OSIGURANIK se obavezuje:

- Dostaviti odmah broj i spisak uposlenika po organima (brojno stanje za svaku godinu posebno);
- U slučaju nastupa osiguranog slučaja poduzeti sve mjere u okviru mogućnosti za zaštitu uposlenika;
- Nakon nastupa osiguranog slučaja obavijestiti OSIGURAVAČA o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;
- Ukoliko dođe do eventualnih promjene broja uposlenika, OSIGURANIK je dužan odmah OSIGURAVAČU dostaviti podatke o promjenama, na osnovu kojeg će izdavatelj izdati fakturu.

Član 6.

(Obaveze Osiguravača)

OSIGURAVAČ se obavezuje:

- Na osnovu pripremljenih i dostavljenih spiskova izraditi i uručiti police osiguranja svakom organu Kantona Sarajevo za svaku godinu posebno;
- Obavijestiti OSIGURANIKA o svim promjenama koje mogu uticati na uslove osiguranje uposlenika,
- Isplatiti nastalu štetu ODMAH, a najkasnije u roku ne dužem od **1 (jedan) dan**, od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

Član 7. (Premija kolektivnog osiguranja)

Ugovorena premija osiguranja iznosi mjesечно **4,90 KM**, odnosno premija osiguranja na godišnjem nivou iznosi **58,80 KM** po uposleniku, dok ukupna premija po uposleniku za obračunski period od 3 (tri) godine iznosi **176,40 KM**. Ukupna vrijednost premije po ovom Okvirnom sporazumu iznosi maksimalno **121.716,00 KM**.

Član 8. (Način i uslovi plaćanja)

Plaćanje ugovorene premije osiguranja iz ovog Okvirnog sporazuma će se vršiti na slijedeći način:

- OSIGURAVAČ će OSIGURANIKU ispostaviti fakturu, u skladu sa izdatim policama osiguranja do cijelokupnih iznosa osiguranja iz ovog Okvirnog sporazuma;
- OSIGURANIK se obavezuje da ugovorenu premiju osiguranja do cijelokupnog iznosa plati najdalje u roku od **185 (stosamdesetpet) dana** od dana ispostavljanja fakture.

Član 9. (Prelazne i završne odredbe)

Ovaj Okvirni sporazum se zaključuje za period **od 01.01.2021. godine do 31.12.2023. godine**.

Ukoliko se jedna od ugovornih strana ne pridržava odredbi ovog Okvirnog sporazuma, druga ugovorna strana ima pravo na jednostrani raskid ovog Okvirnog sporazuma pisanim putem uz otkazni rok od 30 (trideset) dana.

Ugovorne strane su saglasne da će u slučaju otkaza dovršiti sve započete poslove odnosno, da će obraditi i isplatiti sve štete nastale u vremenskom periodu važenja ovo Okvirnog sporazuma i izvršiti sve međusobne obaveze koje su preuzele prije isteka ili otkaza ovog Okvirnog sporazuma.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

U cilju unapređenja poslovnih odnosa, tokom trajanja ovog Okvirnog sporazuma ugovorne strane mogu odredbe Okvirnog sporazuma mijenjati, dopuniti ili druge poslove regulirati sporazumno putem dodatnog Okvirnog sporazuma ovog Okvirnog sporazuma, ili putem posebnih Sporazuma, s tim da sve promjene proizvode pravni učinak ako su sklopljene u pisanim oblicima i ovjerene od strane nadležnih prestavnika ugovornih strana.

Član 10.

U slučaju da ugovorna strana ne bi mogla djelomično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu ugovornu stranu. Viša sila su svi uzroci i događaji, na koje ugovorne stranke ne mogu uticati, nisu ih mogle predvidjeti niti spriječiti.

Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 90 dana, svaka ugovorna strana može raskinuti ugovor. Ugovorna strana koja snosi posljedice više sile, dužna je na zahtjev druge ugovorne strane dostaviti dokaz o tim posljedicama.

Član 11.

Osiguravač nema pravo da zapošljava, u svrhu izvršenja Okvirnog sporazuma o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Okvirnog sporazuma o javnoj nabavci, najmanje šest mjeseci po zaključenju Okvirnog sporazuma.

Član 12.

Ugovorne strane su saglasne da sva eventualna sporna pitanja rješavaju sporazumno, a u slučaju spora ugovara se nadležnost suda u Sarajevu.

Član 13.

Ovaj Okvirni sporazum je sastavljen u (4) četiri istovjetna primjerka od kojih svaka strana zadržava po (2) dva.

Član 14.

Ovaj Okvirni sporazum stupa na snagu danom potpisivanja ugovornih strana.

OSIGURANIK:

KANTON SARAJEVO

Stručna služba za zajedničke poslove

Načelnik

Fikret Jašarević



Broj: 17-11-44402-13

Datum: 29.12.2020. godine

OSIGURAVAČ:



Broj: 1-203/21

Datum: 6.1.2021.